

## COMMUNICAZIUN A LAS MEDIAS

Bever, ils 29-11-2024

### L'implant electric Silvaplauna vegn renovà cumplettaimain

L'ovra idraulica a Silvaplauna producescha cun ina prestaziun da propulsiun dad 1,5 MW mintg'onn strusch 5 uras gigawatt electricitad. L'auter onn vegn Repower a renovar cumplettaimain l'implant en l'Engiadin'Ota da la tschiffada d'aua fin a la turbina. L'investiziun totala munta ad 8,6 milliuns francs.

Las emprimas construcziuns da l'ovra idraulica Silvaplauna dateschan da l'onn 1890, las ultimas lavurs da renovaziun èn vegnidas fatgas il 1998. A partir da la primavaira 2025 vegn l'implant sanà totalmain e puspè prendi en funcziun in onn pli tard.

Repower investescha 8,6 milliuns francs per pudair gestiunar l'implant electric ulteriurs decennis a moda segira e fidada. La tschiffada d'aua veglia sur il vitg vegn spazzada e remplazzada tras ina tschiffada d'aua moderna ed ecologica. Ultra da quai construescha l'interpresa da nov la lingia che maina al reservuar, il reservuar sco tal ed ina gronda part dal conduct da pressiuin. En l'edifizi existent da l'ovra idraulica a Silvaplauna vegnan demontadas las maschinas existentas e remplazzadas tras ina maschina nova pli effizienta. Ils indrizs da protecziun e regulaziun vegnan medemamain modernisads.

L'ovra idraulica Silvaplauna ha ina prestaziun da propulsiun dad 1,5 MW. La produenziun annuala d'electricitad munta a strusch 5 uras gigawatt. Questa quantitat d'energia cuvra prest in terz dal basegn da current annual da Silvaplauna.

La concessiun actuala per l'utilisaziun da l'aua va a fin l'onn 2050. Las investiziuns planisadas da Repower na pon betg vegnir amortisadas fin lura. Perquai ha la radunanza communal da Silvaplauna decis ils 28-11-2024 da dar ina nova concessiun a Repower che dura danovamain 80 onns e cun quai fin l'onn 2105. L'approvaziun da la concessiun necessaria tras la Regenza grischuna spetgan la vischnanca e Repower en il decurs dal 2025.

#### Contact

Stefan Bisculm

manader post da medias

t +41 81 423 78 73

m +41 79 372 77 76

[stefan.bisculm@repower.com](mailto:stefan.bisculm@repower.com)

---

## Quai è Repower

L'interpresa Repower è dapi 120 onns activa sco producenta d'electricidad, manadra da la rait da distribuziun e commerzianta d'energia. Ses martgads-clav èn la Svizra e l'Italia. La sedia principala sa chatta a Poschiavo. Ulteriuras filialas ha ella a Bever, Glion, Küblis, Landquart, Turitg e Milano. Repower è activa lung l'entira chadaina da valurisaziun da l'electricidad, da la produenziun sur il commerzi fin a la distribuziun e la vendita, ed er en la fatschenta da gas. Repower è la pli gronda interpresa da provediment d'energia en il chantun Grischun, nua ch'ella posseda e gestiunescha pliras ovras idraulicas. En l'Italia è Repower ina da las pli grondas furnituras d'electricidad e da gas per interpresas. Il portfolio da l'interpresa en l'Italia cumpiglia plirs parcs da vent e parcs solars ed in'ovra electrica cumbinada cun gas. Mantegnair ed amplifitgar las energias regenerablas è ina part integrala da la strategia da Repower. Quai vala era per il svilup persistent da l'interpresa en ils secturs economia, societad ed ambient.